

**KJ tuduh portal berita buang komen pro-BN
MalaysiaKini.com
8 Ogos, 2012
Oleh Hafiz Yatim**

Ketua Pemuda Umno, Khairy Jamaluddin menuduh portal berita seperti Malaysiakini dan The Malaysian Insider (TMI) membuang komen pembaca yang menyokong BN.

Ini, kata Khairy di majlis pelancaran Pasukan Siber Pemuda BN di Kuala Lumpur hari ini, telah menimbulkan gambaran bahawa golongan muda menyokong pembangkang.

"Apabila kita baca ruang komen di Malaysiakini dan TMI, begitu ramai yang menyokong pembangkang, sedangkan kita tahu editor mereka sekat komen yang menyokong BN," katanya.

Sehubungan itu, Khairy berkata, penubuhan pasukan Siber BN itu adalah untuk bertindak balas terhadap perkara dan bagi menggalakkan orang ramai mendapatkan maklumat yang betul dari BN melalui Twitter dan Facebook BNCT.

Dengan itu, katanya, golongan muda tidak merasakan seolah-olah mereka sendirian di ruang siber dalam menyokong BN.

Copyright © 1999-2012 Mkini Dotcom Sdn. Bhd
Source: <http://www.malaysiakini.com/news/205793>